

სენაკის მუნიციპალიტეტის მერია

შპს „სენაკის ბავშვთა საავადმყოფო“

„CHILDREN HOSPITAL OF SENAKI“ LTD

სენაკი რუსთაველის ქ. N 112 SENAKI RuSTAVELI STR. N 112 ტელ. (0413) 27-54-51

N 427/1

„ 05 „ მაისი 2025 წ

სენაკის მუნიციპალიტეტის მერს

ბატონ ვახტანგ გადელიას

ბატონო ვახტანგ,

თქვენი 02.05.2025 წლის N 40-402512236 წერილის თანახმად გიგზავნით შპს „სენაკის ბავშვთა საავადმყოფოს“ ანგარიშს 2024 წელს გაწეული საქმიანობის შესახებ.

პატივისცემით

შპს „სენაკის ბავშვთა საავადმყოფოს“



დირექტორი:

წ. პატიშვილი

/ლ. დგებუაძე/



შპს „სენაკის ბავშვთა საავადმყოფო“

LTD „CHILDREN HOSPITAL OF SENAKI“

სენაკი, რუსთაველის ძ. N 112

SENAKI RUSTAVELI STR. N 112

ტელ. (0413) 27-54-51

N⁴²³/.....

„⁵.....⁰⁵..... 2025 წ.

შპს „სენაკის ბავშვთა საავადმყოფო“-ს დირექტორის

ანგარიში 2024 წელს საავადმყოფოს მიერ

გაწეული საქმიანობის შესახებ

2024 წელს შპს „სენაკის ბავშვთა საავადმყოფო“-მ ახალი წარმატება აღნიშნა - მან საერთაშორისო სტანდარტებთან შესაბამისობის გამოვლენისთვის მიიღო AACI ამერიკის საერთაშორისო აკრედიტაცია და ISO 9001:2015 სერთიფიკატი. ეს მიღწევა მნიშვნელოვანი ეტაპია საავადმყოფოსთვის, რომელიც ცდილობს მუდმივად გააუმჯობესოს მომსახურების ხარისხი და დააკმაყოფილოს საერთაშორისო სტანდარტები.

შპს „სენაკის ბავშვთა საავადმყოფო“ სამედიცინო მომსახურებას უწევს 2891 ბენეფიციარს ამბულატორიული და სტაციონარული დეპარტამენტების მეშვეობით, სადაც სულ დასაქმებულია 75 პერსონალი: ექიმი, ექთანი, ადმინისტრაციული, სამედიცინო და ტექნიკური პერსონალი.

2024 წელს საავადმყოფოს ორივე სართულს ჩაუტარდა სრული რემონტი: ამერიკის საერთაშორისო სტანდარტების მოთხოვნით, გადაუდებელი დახმარების დეპარტამენტი განთავსდა შენობის პირველ სართულზე, სადაც ასევე არის გეგმიური ამბულატორიის დეპარტამენტი, ლაბორატორია, ექოსკოპიის კაბინეტი და ადმინისტრაცია. მეორე სართული კი მთლიანად დაეთმო სტაციონარს, რომელიც გაშლილია 20 საწოლზე. სტაციონარში არის ერთი საპროცედურო, ერთი ინტენსიური თერაპიის პალატა და ერთი ბოქსირებული პალატა ინფექციური პაციენტების დროებითი დაყოვნებისათვის.

ექიმებისა და ექთნების კვალიფიკაცია მაღალია. ყოველწლიურად ხდება როგორც ექიმების, ისე ექთნების კვალიფიკაციის ამაღლება. 2024 წელს ადგილზე სპეციალისტების მოწვევით ტრენინგები ჩაუტარდა ყველა სამედიცინო პერსონალს.

სავადმყოფოს გააჩნია მუდმივი დენის წყარო მაღალი სიმძლავრის გენერატორი, ასევე გვაქვს დამატებითი წყლის ავზები, ასე რომ უშუქობას და უწყლობას არ განვიცდით. გათბობა ცენტრალურია, ასევე დამონტაჟებული გვაქვს დიდი სიმძლავრის 3 კონდიციონერი, ასე რომ ჩვენს პაციენტებს და პერსონალს ზამთარში გარანტირებული აქვს სითბო, ხოლო ზაფხულში სიგრილე.

სავადმყოფოს გააჩნია კარგად აღჭურვილი ლაბორატორია. თითქმის ყველა სახის გამოკვლევა როგორც კლინიკური ისე ბიოქიმიური ტარდება ადგილზე 24 საათის განმავლობაში. გააჩნია თანამედროვე ანალიზატორები: სისხლის, შარდის, ბიოქიმიური, ელექტრონული მიკროსკოპი, იმუნოფლუორესცენტული ანალიზატორი, ინკუბატორ-თერმოსტატი. ადგილზე შეიძლება ჩატარდეს აგრეთვე ბაქტერიოლოგიური გამოკვლევა

სხვადასხვა სახის მასალის. ყველა აპარატს გავლილი აქვს გარე ხარისხის კონტროლი, ამ მიზნით ხელშეკრულება გვაქვს დადებული შპს „ჰუმან დიაგნოსტიკ ჯორჯიასთან“.

საავადმყოფოს აქვს გეგმიური ამბულატორიის დეპარტამენტი 4 პედიატრიული უბნით. თითოეულ უბანს ემსახურება ექიმი და ექთანი. ამბულატორიაში პაციენტებს კონსულტაციას უწევენ სპეციალისტები: ქირურგი, ოტოლარინგოლოგი, ნევროლოგი, ოფთალმოლოგი, კარდიოლოგი, ენდოკრინოლოგი, გინეკოლოგი. პოლიკლინიკაში პაციენტებს ემსახურება კარგად აღჭურვილი აცრების კაბინეტი ექიმით და ერთი ექთნით. ასაცრელი კაბინეტი აღჭურვილია სპეციალური მაცივრით და ანტიშოკური პრეპარატებით. ასაცრელი მასალის მიღება წარმოებს საზოგადოებრივი ჯანდაცვის ცენტრიდან. სულ 2024 წელს ჩატარდა 1265 აცრა 739 ბავშვზე.

საავადმყოფო მუშაობს საყოველთაო ჯანდაცვის პროგრამის შესაბამისად. კლინიკა აღჭურვილია კარდიო-მონიტორებით, ჟანგბადის მიწოდება ხდება ცენტრალური გზით, ასევე გააჩნია ინფუზომატი, ეკგ, ელექტრონული და პორტატული ამომწოვი აპარატები. 2024 წელს შევიძინეთ დეფიბრილატორი, ლარინგოსკოპი, ამბუ და დავამატეთ ჟანგბადის მიწოდების 8 წყარო. სტაციონარში პაციენტები ხვდებიან, როგორც ამბულატორიის ექიმების მომართვით, ისე თვითდინებით, ასევე გვაქვს მომართვიანობა მეზობელი რაიონებიდან. უზრუნველყოფთ სტაციონარულ მკურნალობაზე მყოფი პაციენტების სამჯერად კვებას.

სულ 2024 წელს ამბულატორიაში ექიმებთან მომართვის რაოდენობა იყო 11708, მათ შორის ავადმყოფობის გამო 11496. 2024 წელს სტაციონარული მკურნალობა ჩატარდა 472 პაციენტს, მათ მიერ გატარებულ საწოლდღეთა რაოდენობამ შეადგინა 2364 საწოლდღე, სიკვდილიანობის შემთხვევას ადგილი არ ჰქონია, სხვა სამკურნალო დაწესებულებაში რეფერირებული იყო (თბილისსა და ქუთაისში) 21 პაციენტი. სტაციონარში გადაუდებელი ამბულატორიული დახმარება გაეწია 8767 პაციენტს, ლაბორატორიული ანალიზები სულ ჩატარდა - 20574, C ჰეპატიტის სკრინინგი - 4949.

თანამშრომელთა ანაზღაურება ბავშვთა პოლიკლინიკაში ხდება კაპიტაციური მეთოდით, ერთ ბენეფიციარზე გამოყოფილია 0,86 ლარი (უბნის ექიმი), სპეციალისტი - 0,82 ლარი, ლაბორატორია - 0,25 ლარი.

სტაციონარში და გადაუდებელი დახმარების დეპარტამენტში ანაზღაურება ხდება გამომუშავებით და მოჭრილად, ექიმს საათში არანაკლებ 7 ლარი, ექთანს საათში არანაკლებ 4,40 ლარი. იგივე მეთოდით ხდება დაფინანსება მორიგე ექიმების და იმ ლაბორანტების, რომლებიც ემსახურებიან სტაციონარს.

საავადმყოფო მთლიანად მომარაგებულია ერთჯერადი მოხმარების საგნებით: ხალათებით, ბახილებით, ნიღბებით, ხელთათმანებით, აგრეთვე სადეზინფექციო მასალებით.

რაც შეეხება დაფინანსებას: 2024 წელს ბავშვთა საავადმყოფოს მიერ სამედიცინო დახმარების შედეგად მიღებულმა შესრულებამ შეადგინა 1 354 128 ლარი, ხარჯი 1 408 149 ლარი. მედიკამენტების, აპარატურის, სხვადასხვა სახარჯი მასალის შესყიდვა ხდება ტენდერების მეშვეობით კანონის სრული დაცვით.

2025 წლის 1 იანვრის მდგომარეობით, ბავშვთა საავადმყოფოს კრედიტორული დავალიანება შეადგენს 32 000 ლარს, ხოლო დებიტორული დავალიანება - 317 429 ლარს.

სენაკის ბავშვთა საავადმყოფო არ აპირებს მიღწეულზე გაჩერებას. მისი მიზანია განაგრძოს საერთაშორისო სტანდარტების დაცვა და გააფართოვოს მომსახურების სპექტრი. საავადმყოფო გეგმავს ინვესტირებას თანამედროვე სამედიცინო ტექნოლოგიებში და აქტიურად იმუშავებს ახალი პარტნიორობების დამყარებაზე, რათა საქართველოში ბავშვთა ჯანმრთელობის დაცვის ხარისხი კიდევ უფრო მაღალი იყოს.



მას „სენაკის ბავშვთა საავადმყოფოს“

დირექტორი:

მ. მ. მ. დგებუაძე/